

crebris, & diuturnis vocat sermonibus. Quæ
ita mihi auribus placidè personant, vt ne viuâ,
si quicquam gratius audio vel antiquius, quàm
cum eum de vobis loquentem audio; Ille qui-
dè inter cetera ornamenta quibus sæptus es, ea
te humanitate & doctrina & religione emi-
nentissimum virum esse prædicat, vt inter opti-
mos clarissimus, inter clarissimos optimus, &
inter vtrosque doctissimus meritò recensendus
sis. Quòd in te ea omnia, quæ ad graue Epi-
scopatus tui onus & dignitatem sustinendam
requirantur, posita sint, cum summa tuæ vrbs
fidei religionique tuæ commissæ admiratione,
ac si non solum Episcopi dignitate insignitum
te esse contentus sis, ea que vti, sed omnibus ner-
uis nitaris, vt dignus apud omnes videaris: Illu-
strissimosq; iudices homines, qui sunt optimi,
doctrina, & vitæ probitate præstant, non qui
nascendi tantum claritate aut diuitiarum ho-
norumque gradibus condecorati excelluerunt:
quò certè ab omnibus suspiceris veluti vagum
fidus maxima christianæ religionis gloria perful-
gens. Nihil verò dico, quibus ipse Io. Domi-
nicus præconijs efferat Comitem Scipionem
fratrem inquam tuum carissimum, quòd ea
morum